

www.BibleForChildren.org



Waani 14




Eesusia wa'a chaanesa Peeroo, yooma taamo ahpo ma'masiterao chaanekapua: —Ka'te yuuwesi, no'o siimo tuuyoio, noochi ahjachi e'rakache mochipuapua ohso kaawe, Apoe no'o Noono Riosichi tiame. No'o Noono tewekachi kahtiachio, ki ookapi iintunapua ahka mochipuachio.



Ki wa'a teeresoo, ki cheemiinia wa'a simika
aamowichio katewemio tuuyao, yooma pipiripi ahka
aamo mochimiachiopua.




Ehpe ki tehpe simisao, ahkasi aamowichio katewesapa enamania eenechi, waa aamo itomaniapua no'o ahjama, no'o ahjama mochimichiopua waikao, ahka no'o te'ta kahtiachi; Nane'riame eemeapa, achini teeka asipuameo waa.



Nee Waania, Eesusichi teereka kahtiamekaapa,
aamo poonichitia tiime neea. Neeea
aamochitia iinueme teemea, Riosi

ye' kariwachi pirena
ohjorepuao, piie

taawechiami
ahkao.



Nape i'ka weechi tísia aiwaka nokisiaiopua
pehgio, Riosi ku'iwarié anachasiame teemea,
te'ta Riosi utewarie. Neeei ehpiamio

aiwaka yasitoamepua,
i'wa pawenasipa Pahmo



tewaniachi
peereso
yachatiapa.




I'wa peereso yachatame neeea, Riosi
kaaweruma tuuyewari naewatuamekapa,
i'kao Eesusia ahpo mukiwarie pichiwa

tiiame machenakame.



Wa'a cheesoopua neeea, ikanati uutiapa Riosiwario,
te'pa no'o tetewikania, no'o paaekame weeriachi.
Wa'a moenasaapa no'o moenaputiachio, yawichi
yasira weeriapua wa'ao. Pukachi yasirao, wa'a
kahtiapua aaata.




Pu'ka tetewisaapua inamukania, yooma ihta
ahjatetiameopua, tewekachi ohjoemeopua,
weechi ohjoemeopua tiame,
wehtere ohjoemeopua, pa'wechi
ohjoemeopua tiame, yooma ihjia
chaachapachaniapua: . . .




... Te'ta ye'karichi kahtiameopua, Apoe Po'wa
teewataniameopua tiameo, pu'kakamera te'ta
kaawerumari chaachapari
chaachapapua pu'kao, te'ta
weruma yoorewi e'repuapua
tiamé, te'ta weruma utewari
u'waeniame, ahkasi
ki wahjiamesi.




Waikao wa'a weemera tewekachio, Te'ta Piipakame
Muuwari, tetewakania waikao, Weemera Eerusareni.
Puuu Weemera Eerusarenia, tewekachi o'inia
tekiyapua, Riosi kahtiachi o'inia. Tisiwa peenia
teetoapua, oowitiame neewimerichitia.




Waikao inamukania wa'ao, ki ku'ita siinachaniame,
pu'ka Riosi yasirachi o'iniaopua: —Riosia, yomatiamame
weechi ti'tijoeekachi kahtiamame puuapa wa'asi.
Ti'tijoeria Riosi mochiwari enemeripua, Apoe Riosia
pu'ka ti'tijoeri mochiwari, Riosiwara enemeripua.



Yooma pu'ka no'o tetewitesaopua, naati no'o
tetewitekapua waikao, piiripi aaki. Ihji aakia,
kawiyame neroikapua, ki teesa kawiyame. Ihji aakia,
Riosi yasirachi o'inia pajenamekapua, wa'a Po'wa
teewataniame kahtiachi tiame.



Wa'a muuwari mochiwaria, ki nakiyachikapua taaa
tajenariopua, mee chaoipua, Apoe Riosi tisiwarira
taajenamerikapua wa'ao; Po'wa teewataniamea,
ahjachi tahjeraapua ahjae tahjeniname.




Nape aaata a'chitiamea
ki ka'karumao, ki
muimeripua wa'ao,
aaata te'ta na'ara
nokayamea; aaataai,
oowera Riosi
pichikiameka
nokayamea. Wa'ao,
Po'wa teewataniame
ahpo ahjari
iyotaperichiche
to'waria teewara,
muimeripua wa'ao.




Nape Riosia, ke'chuo muioi
ahjama mochipuachio,
wakipatemapua o'kewarao,
pu'ka ti'tijoerio, kiteremiopua
wa'ao, yuuwesirio, naarakorioi,
kokosa saaeniameoi,
wahjipaniameoi; wa'a ikisa
yooma ihta iintukame
oochetiame ahjarichio, pu'kao
yoomá u'matoriopua wa'asio.




Ihtaoi kiteremerapua wa'ao a'chitiamea, Riosiche
yasimapua wa'ao, Apoe Po'wa teewataniameopua
tiame. Riosi tekipaneka mochikamea, ahjachi
paparaka mochimeripua iyorikao. Riosio puua,
nanarira tetewika
mochimeripua,
ahpo koata
yachatomerapua,
Riosi teewarao.




Wa'a ikisaopua, puu weechi wahjipakamea, pu'ka
yawichi ne'niachi, ajakapua, yooma weeweruma
te'terewaemeapua, nu'nunti te'terewaemeapua
tiame. Waikao, ooka i'iyotape wahjonatiapua,
piiripi puu ooka iyotapea Ahjaniame
Iyotapekapua, yooma ki
wahjiamesi ahjameri
toatiachi teewara.




Piire iyotapechio, yooma wa'a toatiame maaniapua
teewaraa, ki wahjamesi ahjari uumeria. Yooma
aaataai wahjipakamea, pu'ka ooka i'iyotapechi chiiae
ihta noonowiria, pukae katewetiapua Riosieo. Yooma
aaata pu'ka ahjari iyotaperichi ki'tiameopua
teewarao, wa'achi ihpapatiapua tiame,
pu'ka na'i pa'we tajayamechi,
ki wahjamesi ki Riosi
ahjama
mochimerikapua.



Riosi Riosiwari iinuemea, wa'api Po'wa
teewataniamechi nenuwikamechi te'teramea,
chaachapamepua pu'ka Po'wa teewataniameo:
—iYaapiti enamitia muuapa, muua Apoe taamo
Paamiraaa!



Apoe yooma weeechi taamo Paamiraa, taamo
chaanenapua weeechi mochikameo: —Aaata
paramusaa, noochi enapuapua, ahjaniame neroi
noochi pajename nerojimia. Neeea aamoo, kihta
natekachi aamo nerojitemapua.



'No'o Noono Riosia tísia nakikamepua
weechi mochikameo, ahkasi ahpo
piiripikoi ahpo Taanao, pu'kawichio
nehjakamepua, aaataoi weechi
mochikame ahpo Taanachi
paparakameo, . . .



... ki kokosari saaemichiopua
no'o Noonoeo, ohso kaawe ki
wahjame ahjarikamera
kiapuawichiopua.



Rooma 3:23 Riosia wa'a tiame iintokamepua, yomatiamе
wehjoarichi mochikame tatakoriamekopapua, aataai
yomatiamе i'ka wehjoarichio, ki ahsepari e'wewa
teereriapapua Riosi nuurari yahchariao,
tisia iyoriva nuurario.

Rooma 6:23 Tatakoriniame natetewaa, te'ta
mukiwamepua, Riosichi te'ta poanatumiamе, ahkasi ki
seena aampasi. Nape Riosi taamo ki'yaa, ki wahjiamе
ahjaripua kihta natetewachi, apoeche Eesusi Riosie
Weratiameche, apoe iintokamepua tatakori natetekao,
apoekapapua te'ta taamo Paamiraa.

Eureo 9:27 Ti'tijoeria, seenepi wa'api mukiwamechitia,
neipao ahpo katewepuamechitia Riosie,



Eejesio 2:8,9 Wa'a tiiachipa yooma tamochitia Riosie cherirewachiche newipatiamepua, yooma aata ahpo Taana Eesusichiche paparariaecheopua, kihta natekachi, kihta yoorariawichiooi. Wa'a tiame inatakame Riosia, kihta taamo iintoriae newipatekáo, ki aata ahpo oisa eramichiopua, ahpo iintoriae newipatetiameko e' rakao.

Rooma 10:9,10 Aamoe chuwaé wa'api cheekame enesaamua, Eesusio apoe aamo Paamirako tuuyame enesaamua, te'ta aamowichio tatakoriria cheriwepuawichio mukuriopa pu'kao, pu'kao Riosie oijenatetiamekopua aamo weemera ahjari kiapuawichioo, newipameri muuua Riosie kokosapuamechio. Teemea taamo iikachio, Eesusi taamowichio iintoria erakoniae, taamo kaawe te'teriane tetewame Riosia apochio; teemea tiameo, taamo chuwaé chaachapame teemea, Riosie taamo cheriwepua uunarewao, Eesusi taamowichio iintoria nateyaraeo, taamowichio mukuriaeo.



Waani 3:16,17 'No'o Noono Riosia tísia nakikamepua weechi mochikameo, ahkasi ahpo piiripikoi ahpo Taanao, pu'kawichio nehjakamepua, aaataoi weechi mochikame ahpo Taanachi paparakameo, ki kokosari saaemichiopua no'o Noonoeo, ohso kaawe ki wahjame ahjarikamera kiapuawichiopua. Riosia ahpo Taanao, ki aaata ti'tijoeri kokosamichio uhjuratiamepua i'wa wehjoarichio, ohso kaawe puuua, ti'tijoe ooweru tiame newipatemichiokamera, uhjuratiamepua.



1 Waani 5:11-13 Riosi taamowichio te'ta ma'chitaa, ihji iintoriapua: ki wahjiamesi ahjari taamo ki'yaria, yooma aaata taamoo, ahpo Taanachi paparakameo, pu'ka Eesusi iintorio, taamowichio iintorio erakoamekoo. Aaata ahpo nehpuwarichitia iniwaemea pu'ka Riosi Taanarao, pu'kakamera ki'yakame Riosia, ki wahjiamesi weemera ahjario. Nape ki ahpo nehpuwarichitia apochi teetoameo, Riosi Taanarao, kiisi kiatiamepua Riosieo, pu'ka weemera ahjari ki wahjiameo. Nee Waania i'ka aamo iyojurachio, te'ta pichiwako nane'remichio iyotiamenia pukachio, amochi iinuemekoopua wa'asi, pu'ka weemera ahjario, te'ta Riosi Taanarachi paparakamekapao.



Waani 14; 2 Koorintio 5; Tetewiteri 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Huarijio Bible (var) © Wycliffe Bible Translators, Inc.

<https://www.bible.com/bible/1347/MAT.1>

©2024 Bible for Children, Inc.

www.M1914.org

www.bibleforchildren.org

